

Mensahe 4

**Ang Malangkobon-sa-tanan nga Cristo isip Maayong Yuta—
nga Yuta sa Mga Sapa sa Tubig, sa Mga Tubod ug Mga Tuboran,
nga Nag-agay sa Mga Walog ug sa Mga Bukid**

Basahong Kasulatan: Deut. 8:7; 11:11-12; Jer. 2:13; 17:7-8;
Isa. 12:3-6; Juan 4:14b

I. Niingon ang Galacia 3:14, “Aron modangat ang panalangin ni Abraham sa mga Gentil diha ni Cristo Jesus, aron madawat nato ang saad sa Espiritu tungod sa pagtuo:

- A. Ang pisikal nga aspeto sa panalangin nga gisaad sa Dios ni Abraham mao ang maayong yuta (Gen. 12:7; 13:15; 17:8; 26:3-4), nga hulagway ni Cristo nga malangkobon-sa-tanan (Col. 1:12); kay sa kaulahian naamgohan man si Cristo isip Espiritu nga malangkobon-sa-tanan nga taghatag-og-kinabuhi (1 Cor. 15:45; 2 Cor. 3:17), nitakdo ang panalangin sa gisaad nga Espiritu sa panalangin sa yuta nga gisaad kang Abraham.
- B. Sa pagkatinuod, ang Espiritu nga pagkaamgo ni Cristo sa atong kasi-natian mao ang maayong yuta nga gigikanan sa madagayaong sangkap sa Dios nga mapahimuslan nato; kini ang “madagayaong sangkap sa Espiritu ni Jesucristo” nga sangkap sa Lawas ni Cristo—Fil. 1:19.

II. Ang malangkobon-sa-tanan nga Cristo isip malangkobon-sa-tanan nga Espiritu mao ang “yuta sa mga sapa sa tubig, sa mga tubod ug mga tuboran, nga nag-agay sa mga walog ug sa mga bukid”—Deut. 8:7; 11:11-12:

- A. Nagtimaan ang mga sapa sa tubig, mga tubod, ug mga tuboran ni Cristo nga Espiritung nag-agay (Juan 4:10, 14; 7:37-39; Bug. 22:1), ug nagtimaan ang mga walog ug mga bukid sa nagkalainlaing matang nga palibot diin masinati nato si Cristo ingon nga Espiritung nag-agay.
- B. Sa tibuok Biblia dunay linya kalabot sa Tulo-usang Dios nga tubig—Gen. 2:10-14; Exo. 17:5-6; Sal. 36:8-9; 46:4; Juan 4:10, 14; 7:37-39; 1 Cor. 10:4; Bug. 7:17; 22:1:
 - 1. Nagtimaan ang suba sa Genesis 2:10 sa suba sa tubig sa kinabuhi, ug ubay niini nagtubo ang kahoy sa kinabuhi; nagkuha sa kauhaw sa tawo kining subaa.
 - 2. Nagpasabot ang tuboran sa Salmo 36:8-9 sa Amahan nga tinubdan sa kinabuhi, ug nagpasabot ang suba sa Espiritu sa suba sa tubig sa kinabuhi—Juan 1:4; 7:37-39.
 - 3. Nagtimaan ang suba sa Salmo 46:4 sa pag-agay sa Tulo-usang Dios diha ni Cristo pinaagi sa Espiritu ingon nga kinabuhi ngadto sa katawhan sa Dios.
 - 4. Ang tubig sa kinabuhi simbolo sa Dios diha ni Cristo nga Espiritung nagpaagay sa Iyang kaugalingon nganha sa Iyang tinubos nga

Mensahe 4 (sumpay)

katawhan aron mahimong ilang kinabuhi ug sangkap sa kinabuhi; gihulagwayan kini sa tubig nga niagay sa napikas nga bato (Exo. 17:6; Num. 20:11) ug gisimbolohan sa tubig nga niagas sa kilid ni Ginoong Jesus nga gidughang (Juan 19:34).

5. Ang suba sa tubig sa kinabuhi sa Bugna 22:1 ug ang mga suba sa Genesis 2:10-14, Salmo 46:4, ug Ezequiel 47:5-9 nagtimaan sa kadagaya sa kinabuhi sa agay niini; ingon sa gipakita sa Juan 7:38, kining usa ka suba lakip ang kadato niini mahimong daghang suba sa pagsinati nato sa nagkalainlaing aspeto sa kadato sa Espiritu sa kinabuhi sa Dios (Rom. 8:2; 15:30; 1 Tes. 1:6; 2 Tes. 2:13; Gal. 5:22-23).

III. Ang tubig “nga nag-agay sa mga walog ug sa mga bukid” (Deut. 8:7b) nagpakita nga nag-agay si Cristo nga buhing tubig sa nagkalainlaing palibot (itandi sa 1 Hari 20:23, 28):

- A. Ang mga walog mao ang pagsinati sa krus, ang pagsinati sa kamatayon ni Cristo, ug ang mga bukid mao ang pagsinati sa pagkabanhaw ni Cristo—2 Cor. 1:9; 4:11, 14.
- B. Si Cristo nga nagpuyo sa sulod nga bahandi nato, nga kulonong mga sudlanan, maoy diosnong tinubdan sa sangkap alang sa Cristohanong kinabuhi ug ang labaw kaayong gahom aron makakinabuhi ta sa kinabuhing linansang sa krus aron mapadayag ang kinabuhi sa pagkabanhaw—v. 7; Fil. 4:13:
 1. Niingon si Pablo nga siya ug ang iyang mga masigka-magbubuhat “hilabihan gyong nabug-atan, labaw sa among kusog, nga tungod niana nawad-an na mig paglaom nga mabuhi...aron dili namo ibasi ang among pagsalig sa among kaugalingon kondili sa Dios, nga nagbanhaw sa mga minatay”—2 Cor. 1:8-9.
 2. Sa pagkatinuod, nagkinahanglan ang pagkabanhaw sa kamatayon, ug pagkahigawad aron mapadayag kini (v. 4; 7:5-6); nagtapos sa kaugalingon ang pagbuhat sa krus aron mapahimuslan nato ang Dios sa pagkabanhaw.
- C. Nagkinabuhi si Pablo sa kinabuhi sa pagkabanhaw diha sa pagpatay sa krus aron matuman ang iyang pagpangalagad; “kanunayng nagdala sa lawas sa pagpatay kang Jesus aron mapadayag sab sa among lawas ang kinabuhi ni Jesus”—4:10:
 1. Sa positibong bahin, kanunayng gipatay ni Jesus ang tanang negatibong butang sa sulod nato aron maayo ug mabuhi ta—Fil. 1:19; itandi sa Exo. 30:23-25.
 2. Kon isalikway nato ang atong kaugalingon sa buntag aron pasudlon ang Dios kanato, mabati nato sa tibuok adlaw nga dunay nahitabong pagpatay sa sulod nato—itandi sa Prov. 4:18.
- D. “Kay kaming mga buhi kanunay nga gitugyan ngadto sa kamatayon tungod ug alang ni Jesus aron mapadayag sab ang kinabuhi ni Jesus sa may kamatayon nga unod namo”—2 Cor. 4:11:

MGA TALAMDAN SA PAGBANSAY

Mensahe 4 (sumpay)

1. Moresulta sa pagpadayag sa kinabuhi sa pagkabanhaw ang pagpatay sa krus; alang sa pagpagula sa diosnong kinabuhi diha sa pagkabanhaw kining adlaw-adlaw nga pagpatay—1 Cor. 15:31; 2 Cor. 4:16.
 2. Nagkinabuhi ang mga apostol sa kinabuhing sama sa gikinabuhi ni Ginoong Jesus dinhi sa yuta; ang kinabuhi sa Ginoo kinabuhing naa sa pagpatay sa krus aron mapadayag ang kinabuhi sa pagkabanhaw, kinabuhing gikinabuhi sa ingon niana nga nausa ang Iyang persona sa Iyang pagpangalagad ug ang Iyang kinabuhi maoy Iyang pagpangalagad—Juan 6:14-15; 12:13, 19, 23-24.
- E. “Tungod niana nagbuhat ang kamatayon dinhi namo, apan nagbuhat ang kinabuhi diha ninyo” (2 Cor. 4:12); kon naa ta sa pagpatay sa kamatayon sa Ginoo, ikapaambit pinaagi nato ngadto sa uban ang Iyang kinabuhi sa pagkabanhaw:
1. Ang paagi aron maanaa ug motubo ang iglesia dili man pinaagi sa himaya sa tawo; pinaagi kini sa kamatayon sa krus aron mapagula ang kalayo sa diosnong kinabuhi—Luc. 12:49-50; Juan 2:19; 12:24-26.
 2. Ang Ginoo, isip lugas sa trigo nga nahulog sa yuta, nawad-an sa Iyang kinabuhi-sa-kalag tungod sa pagkamatay aron ikapagula Niya ang Iyang kinabuhing walay kataposan diha sa pagkabanhaw ngadto sa daghang trigo; isip daghang trigo, kinahanglan mawad-an sab ta sa atong kinabuhi-sa-kalag pinaagi sa kamatayon aron makapahimulos ta sa kinabuhing walay kataposan diha sa pagkabanhaw.
- IV. Niingon ang Jeremias 2:13, “Nakahimog duha ka kadaotan ang Akong katawhan: / Gisalikway Ko nila, / Ang tuboran sa buhing mga tubig, / Aron magkalot alang sa ilang kaugalingon og mga pundohan, / Mga pundohan nga niliki, / Nga dili kasudlag tubig”:**
- A. Ang kadaotan nga nabuhat sa katawhan sa Dios mao nga gisalikway nila ang Dios nga ilang tuboran, ilang tinubdan, ug nangadto sila sa tinubdan nga dili ang Dios.
 - B. Ang pagkalot og mga pundohan naghulagway sa paghago sa Israel sa tawhanong pagpangabudlay nila aron maghimog mga butang (mga diosdios) nga ipuli sa Dios; kanang niliki ang mga pundohan ug dili kasudlag tubig nagpakita nga kon dili ikapaambit kanato ang Dios mismo ingon nga buhing tubig, walay makatagbaw sa atong kauhaw ug makahimo natong pagtubo sa Dios nga magpadayag Niya—Juan 4:13-14.
 - C. Sa panan-aw sa Dios, ang daotan, ang mamumuhat og daotan, mao kadtong dili moduol aron moinom Niya (Isa. 55:7); ang daotang kahintang sa mga daotan mao nga dili sila moduol sa Ginoo aron

Mensahe 4 (sumpay)

mokaon, moinom, ug magpahimulos Niya; nagbuhat silag daghang butang, apan dili sila moduol aron mokontak sa Ginoo, modawat Niya, motilaw Niya, ug mopahimulos Niya; sa panan-aw sa Dios, walay labaw kadaotan kay niini (57:20-21; itandi sa 55:1-2).

V. Anaron gyod nato nga magtimbang tubig gikan sa mga tubod sa kaluwasan aron moinom ug magpaagay sa tubig sa kinabuhi—12:3-6; Juan 7:37-39; Prov. 11:25:

- A. Magtimba gyod tag tubig nga magkalipay gikan sa mga tubod sa kaluwasan sa pagpamulong ngadto sa Ginoo, pinaagi sa Ginoo, alang sa Ginoo, diha sa Ginoo, ug uban sa Ginoo—Isa. 12:3-6; Fil. 4:6-7, 12; itandi sa *Mga Alawiton*, #255.
- B. Magdayeg gyod ta sa Ginoo, magkalipay diha Niya, kanunayng magpasalamat, ug mag-awit ngadto sa Ginoo—1 Tes. 5:16-18; Fil. 4:4; Heb. 13:15; Sal. 119:164; Efe. 5:18-20.
- C. Motawag gyod ta sa ngalan sa Ginoo—Buh. 2:21; 1 Cor. 12:13, 3; 1 Tes. 5:17; 1 Cor. 1:2; Huk. 15:18-19; Lam. 3:55-56; *Mga Alawiton*, #73.
- D. Isangyaw gyod nato ang ebanghelyo, ipahibalo sa uban ang nahuman ni Cristo—Rom. 1:16; Juan 4:32-34; Fil. 2:9; 1 Ped. 2:9.
- E. Paunahon gyod nato ang Ginoo sa atong pagkatawo ug buhaton ang tanan uyon sa diosnong kinaiya—Bug. 22:1; Col. 1:18b; 2 Ped. 1:4.

VI. Segun sa pamatigayon sa Dios, ang tawong nisalig sa Dios sama sa kahoy nga gitanom daplin sa tubig, nga nagtimaan sa Dios nga tuboran sa buhing mga tubig; motubo ang kahoy daplin sa suba pinaagi sa pagsuyop sa tanang kadato sa tubig; hulagway kini sa pamatigayon sa Dios, nga gituman pinaagi sa Iyang diosnong pagpaambit—Jer. 17:7-8:

- A. Aron madawat ang diosnong pagpaambit, mosuyop gyod ta isip mga kahoy sa Dios nga tubig (itandi sa 1 Corinto 3:6; Col. 2:7a); ang kadato sa nagsangkap nga Dios nga gipaambit kanato isip mga kahoy nagumol kanato sa pagkadios sa Dios ug nagpatubo nato ngadto sa sukod sa Dios (v. 19); sa ingon niini mausa ta ug ang Dios, nga dunay samang elemento, pagkamao, pagkaumol ug panagway (Bug. 4:3; 21:11).
- B. Ang kahulogan sa pag-ampo pagsuyop man nato sa Dios; labi tang mokontak sa Dios, labi sab Siyang masuyop nato, ug labi Siyang masuyop nato, labi sab Siyang mapahimuslan nato:
 - 1. Dunay alawitong niingon nga, “Segun sa akong kahimtang” (*Mga Alawiton*, #1048); nagpasabot kini nga moduol gyod ta sa Dios segun sa atong kahimtang nga dili maningkamot sa pagpamaayo o pag-usab ba sa atong kahimtang; nadawat nato si Cristo sa ingon niini, ug maggawi gyod ta diha ni Cristo sa ingon niini—Col. 2:6-7a.
 - 2. Ang pag-ampo pagduol man nato sa Ginoo segun sa atong kahimtang; inigduol nato sa Ginoo, ipadayag gyod nato ang atong kahimtang

MGA TALAMDAN SA PAGBANSAY

Mensahe 4 (sumpay)

sa sulod sa Iyang atubangan ug sultian Siya nga nakulangan ta sa tanang bahin; bisan pag maluyahon, naglibog, nasubo, ug naamang ta, makaduol gihapon ta sa Dios; bisan unsa pa ang kahimtang nato sa sulod, dad-on gyod nato kini sa Dios.

3. Imbis magtagad sa atong kahimtang, mosulod gyod ta sa presensya sa Dios aron mokontak Niya sa pagtutok, pagsud-ong, pagdayeg, pagpasalamat, pagsimba, ug pagsuyop Kaniya; makapahimulos dayon ta sa kadato sa Dios, makatilaw sa Iyang katam-is, makadawat Niya nga kahayag ug gahom, ug magmalinawon sa sulod, magmasanagon, magmalig-on, ug magamhan; makat-on dayon ta nga kanunayng madugtong Niya sa mangalagad ta sa pulong sa mga balaan—1 Ped. 4:10-11; 2 Cor. 2:17; 13:3.

VII. Niingon ang Juan 4:14b, “Ang tubig nga ihatag Nako niya mahimo hinuon tuboran sa tubig diha niya nga motubod ngadto sa kinabuhing walay kataposan”:

- A. Nagpadayag kini sa nag-agay nga Tulo-usang Dios—(1) ang Amahan maoy tuboran, ang tinubdan; (2) ang Anak maoy tubod, ang paggula sa tuboran; ug (3) ang Espiritu maoy suba, ang agay; nag-agay ang Tulo-usang Dios pinaagi sa Amahan, sa Anak, ug sa Espiritu nganhi nato ug gikan sa kinasulorang bahin sa atong pagkatawo ngadto sa uban—2 Cor. 13:14; Juan 7:37-38.
- B. “Ngadto sa kinabuhing walay kataposan” (4:14b) ang pag-agay sa Tulo-usang Dios; ang Bag-ong Jerusalem maoy kinatibuk-an sa kinabuhing walay kataposan, ug nagpasabot ang pulong *ngadto sa* og “mosangpot sa” o “mahimo nga”; tungod niana, moagay nganhi nato ug pinaagi nato ang Amahan nga tuboran, ang Anak nga tubod, ug ang Espiritu nga suba aron mahimong Bag-ong Jerusalem nga kinatibuk-an sa kinabuhing walay kataposan.